


Bosna i Hercegovina  
Federacija Bosne i Hercegovine

KANTON SARAJEVO  
Javna ustanova "Služba za zapošljavanje  
Kantona Sarajevo" Sarajevo  
SARAJEVO



Bosnia and Herzegovina  
Federation of Bosnia and Herzegovina

CANTON SARAJEVO  
Public Institution "Employment Service of  
Canton Sarajevo" Sarajevo  
SARAJEVO

**PRAVILNIK  
O IZMJENAMA PRAVILNIKA O NAČINU OSTVARIVANJA PRAVA  
NA NOVČANU NAKNADU I DRUGIH PRAVA ZA VRIJEME  
PRIVREMENE NEZAPOSLENOSTI**

**Sarajevo, decembar 2020. godine**

Sarajevo, Đoke Mazalića 3,  
web-stranica: [www.szks.ba](http://www.szks.ba); e-mail adresa: [info@szks.ba](mailto:info@szks.ba)  
Tel/;++387 (33) 569-100, fax: 204-177; Matični broj: 4200304610003;  
Poreski broj: 01079085; Računi Intesa Sanpaolo Banka d.d. Sarajevo:  
1549212010171056-depozitni račun, 1540012000135120-transakcijski račun



Na osnovu člana 16. stav (1) alineja 1. Statuta Javne ustanove „Služba za zapošljavanje Kantona Sarajevo“ Sarajevo (br. 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), a u skladu sa Zakonom o posredovanju u zapošljavanju i socijalnoj sigurnosti nezaposlenih osoba ("Službene novine Federacije BiH", br. 41/01, 22/05 i 9/08) i Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), Upravni odbor na 6. redovnoj sjednici, održanoj dana 16.12.2020. godine, donio je

## **PRAVILNIK O IZMJENAMA PRAVILNIKA O NAČINU OSTVARIVANJA PRAVA NA NOVČANU NAKNADU I DRUGIH PRAVA ZA VRIJEME PRIVREMENE NEZAPOSLENOSTI**

### **Član 1.**

U Pravilniku o načinu ostvarivanja prava na novčanu naknadu i drugih prava za vrijeme privremene nezaposlenosti (br.: 01-05-4510/06 od 19.06.2016. godine i 05/1-1279-1/10 od 04.06.2010.godine), u član 7. u stavu (3) riječi „iz člana 32“ zamijenjuju se riječima „iz čl. 32. i 33.“

### **Član 2.**

U član 20. u stavu (1) riječi „u skladu sa članom 19., članom 20. i članom 21. Zakona o zdravstvenom osiguranju („Sl.novine FBiH“ broj: 30/97 i 15/99) imaju osiguranici i članovi porodice osiguranika:“ zamijenjuju se riječima „u skladu sa čl. 19., 20., 21. i 30. Zakona o zdravstvenom osiguranju („Službene novine Federacije BiH“ br.: 30/97, 7/02, 70/08, 48/11 i 36/18) imaju osiguranici i članovi porodice osiguranika, kao i strani državljani i lica bez državljanstva, kako slijedi:“.

Tačka a) - 8) mijenja se i glasi:

„8) djeca koja su navršila 15 godina života, odnosno stariji maloljetnici do 18 godina života, a nisu završili osnovno školovanje ili se po završetku osnovnog školovanja nisu zaposlili, ako su se prijavili zavodu za zapošljavanje,“.

U tački a) - 9) iza riječi „lica“ dodaju se riječi: „starija od 18 godina“.

Stav (5) mijenja se i glasi:

„(5) Stranim državljanima i licima bez državljanstva osigurava se zdravstvena zaštita pod istim uvjetima kao i državljanima Federacije Bosne i Hercegovine, ako međunarodnim sporazumom (Sporazum o socijalnom osiguranju) nije drugačije određeno.“.

### Član 3.

Član 22. mijenja se i glasi:

#### “Član 22. (Uslovi za sticanje prava)

Penzijsko i invalidsko osiguranje osigurava se nezaposlenoj osobi kojoj nedostaju do tri godine penzijskog staža do sticanja uvjeta za starosnu penziju u skladu sa čl. 40., 142., 143. i 144. Zakona o penzijskom i invalidskom osiguranju, i to:

- a) Pravo na starosnu penziju ima osiguranik kada navrší 65 godina života i najmanje 15 godina staža osiguranja, odnosno najmanje 20 godina penzijskog staža ili kada navrší 40 godina staža osiguranja bez obzira na godine života.
- b) Izuzetno od tačke a) ovog člana, osiguranik muškarac ima pravo na starosnu penziju kad navrší najmanje u:
  - (1) 2018. godini 60 godina i šest mjeseci života i 35 godina i šest mjeseci staža osiguranja,
  - (2) 2019. godini 61 godinu života i 36 godina staža osiguranja,
  - (3) 2020. godini 61 godinu i šest mjeseci života i 36 godina i šest mjeseci staža
  - (4) 2021. godini 62 godine života i 37 godina staža osiguranja,
  - (5) 2022. godini 62 godine i šest mjeseci života i 37 godina i šest mjeseci staža osiguranja,
  - (6) 2023. godini 63 godine života i 38 godina staža osiguranja,
  - (7) 2024. godini 63 godine i šest mjeseci života i 38 godina i šest mjeseci staža osiguranja,
  - (8) 2025. godini 64 godine života i 39 godina staža osiguranja,
  - (9) 2026. godini 64 godine i šest mjeseci života i 39 godina i šest mjeseci staža osiguranja.
- c) Izuzetno od tačke a) ovog člana, osiguranik žena ima pravo na starosnu penziju kad navrší najmanje u:
  - (1) 2018. godini 55 godina i šest mjeseci života i 30 godina i šest mjeseci staža osiguranja,
  - (2) 2019. godini 56 godina života i 31 godinu staža osiguranja,
  - (3) 2020. godini 56 godina i šest mjeseci života i 31 godinu i šest mjeseci staža osiguranja,
  - (4) 2021. godini 57 godina života i 32 godine staža osiguranja,
  - (5) 2022. godini 57 godina i šest mjeseci života i 32 godine i šest mjeseci staža osiguranja,
  - (6) 2023. godini 58 godina života i 33 godine staža osiguranja,
  - (7) 2024. godini 58 godina i šest mjeseci života i 33 godine i šest mjeseci staža osiguranja,
  - (8) 2025. godini 59 godina života i 34 godine staža osiguranja,
  - (9) 2026. godini 59 godina i šest mjeseci života i 34 godine i šest mjeseci staža osiguranja,

- (10) 2027. godini 60 godina života i 35 godina staža osiguranja,
- (11) 2028. godini 60 godina i šest mjeseci života i 35 godina i šest mjeseci staža osiguranja,
- (12) 2029. godini 61 godinu života i 36 godina staža osiguranja,
- (13) 2030. godini 61 godinu i šest mjeseci života i 36 godina i šest mjeseci staža osiguranja,
- (14) 2031. godini 62 godine života i 37 godina staža osiguranja,
- (15) 2032. godini 62 godine i šest mjeseci života i 37 godina i šest mjeseci staža osiguranja,
- (16) 2033. godini 63 godine života i 38 godina staža osiguranja,
- (17) 2034. godini 63 godine i šest mjeseci života i 38 godina i šest mjeseci staža osiguranja,
- (18) 2035. godini 64 godine života i 39 godina staža osiguranja,
- (19) 2036. godini 64 godine i šest mjeseci života i 39 godina i šest mjeseci staža osiguranja.

d) Izuzetno od tačke a) ovog člana, osiguranik ima pravo na starosnu penziju i kada navrší 40 godina penzijskog staža i najmanje 62 godine života.“

#### **Član 4.**

U članu 26. u stavu (2) riječi „s tim da zahtjev može podnijeti pismeno ili (i) putem ovlaštenog punomoćnika“ se brišu.

#### **Član 5.**

U članu 28. u stavu (4) riječi „svakih 60 dana“ zamijenjuju se riječima „najmanje jednom u roku od 45 dana.“

#### **Član 6.**

U članu 31. stav (1) mijenja se i glasi:

„(1) Prilikom podnošenja Zahtjev za ostvarivanje prava na novčanu naknadu, u pravilu se prilaže sljedeća dokumentacija:

- a) dokaz o prestanku radnog odnosa (rješenje, odluka, ugovor, ugovor o radu na određeno vrijeme i dr.) i odjava osiguranja iz poreske uprave (obrazac JS 3100);
- b) dokaz o stažu osiguranja (pregled istorije osiguranja sa portala Porezne uprave Federacije Bosne i Hercegovine, radna knjižica ili uvjerenje Federalnog zavoda za Mirovinsko/Penzijsko invalidsko osiguranje );
- c) Izvod o dužini radnog staža.

Stav (2) mijenja se i glasi

„(2) Ukoliko je osoba osnivač/suosnivač privrednog društva ili vlasnik obrta, pored dokaza iz stava (1), potrebno je da dostavi i dokaz o prestanku obavljanja djelatnosti od nadležnog organa.“

Dosadašnji stav (2) postaje stav (3) i glasi:

„(3) Ukoliko nezaposlena osoba, uz zahtjev, ne priloži dokumentaciju iz st. (1), odnosno (2) ovog člana ista je dužna da dokumentaciju dostavi u roku od 8 (osam) dana od dana podnošenja zahtjeva.“

Dosadašnji stav (3) postaje stav (4) i glasi:

„(4) Nezaposlena osoba, kojoj je priznato pravo na novčanu naknadu, dužna je dostaviti tekući/kartični račun.“

#### **Član 7.**

Član 35. mijenja se i glasi:

#### **„Član 35.**

#### **(Ostvarivanje prava nakon promjene prebivališta/boravišta)**

- (1) Nezaposlena osoba koja je ostvarila pravo na zdravstveno osiguranje, a koja se zbog promjene prebivališta/boravišta prijavila u drugi nadležni biro, nastavlja korištenje prava na zdravstveno osiguranje, pod uslovom da se na evidenciju drugog nadležnog biroa prijavila u rokovima propisanim pravilnikom koji reguliše rokove javljanja.
- (2) Pravo na zdravstveno osiguranje kod drugog nadležnog biroa se nastavlja od narednog dana od dana kada je to pravo objavljeno u prvom birou, odnosno u birou u kojem je stečeno.“

#### **Član 8.**

Član 37. mijenja se i glasi:

#### **„Član 37.**

#### **(Dokumentacija koja se prilaže uz zahtjev)**

- (1) Prilikom podnošenja Zahtjev za uplatu doprinosa za penzijsko i invalidsko osiguranje, u pravilu se prilaže sljedeća dokumentacija:
  - a) radna knjižica (original ili ovjerena fotokopija), ukoliko ne posjeduje radnu knjižicu treba dostaviti ovjerenu pisanu izjavu o neposjedovanju radne knjižice,
  - b) uvjerenje nadležnog biroa o datumu prijave na evidenciju o nezaposlenim osobama,
  - c) uvjerenje Federalnog ministarstva za pitanja boraca/branitelja i invalida odbrambeno - oslobodilačkog rata o učešću u OS RBiH (ukoliko je bio-la učesnik odbrane BiH),
  - d) pisana saglasnost (izjava ovjerena u općini) podnosioca zahtjeva za uračunavanje posebnog staža u ukupan penzijski staž (ukoliko je bio-la učesnik odbrane BiH),
  - e) drugi dokazi o penzijskom stažu (potvrda staža nadležnog nositelja osiguranja ukoliko nezaposlena osoba ima ostvarenog staža u drugim državama ili kod Fonda za penzijsko i invalidsko osiguranje Republike Srpske i dr.), ukoliko ne posjeduje ovaj dokaz treba dostaviti ovjerenu pisanu izjavu na okolnosti u kojoj državi ima ostvaren penzijski staž i u kojem trajanju.

- (2) Ukoliko je postojao prekid od momenta raskida ugovora o radu do dana prijavljivanja Službi duži od mjesec dana, osoba je dužna da dostavi potvrdu/uvjerenje Fonda za penzijsko i invalidsko osiguranje Republike Srpske da li je nezaposlena osoba registrovana u matičnoj evidenciji kod tog nositelja osiguranja.
- (3) Nezaposlene osobe koje počinose zahtjev za uplatu doprinosa za penzijsko i invalidsko osiguranje, a koje nisu bili učesnici OS RBiH, niti pripadnici Vojske Republike Srpske, kao validan dokaz o istom mogu dostaviti ovjerenu pisanu izjavu.“

**Član 9.**  
**(Stupanje na snagu)**

Ovaj Pravilnik stupa na snagu danom donošenja i isti će biti objavljen u „Službenim novinama Kantona Sarajevo“ i web stranicu Službe.

**PREDSJEDNIK  
UPRAVNOG ODBORA**

  
**Emin Olovčić**

Broj: 09/1-4290-1-UO/20  
Sarajevo, 16.12.2020. godine



Broj: 09/1- 4290 -UO/20  
Sarajevo, 16.12.2020. godina

Na osnovu člana 16. Statuta Javne ustanove „Služba za zapošljavanje Kantona Sarajevo“ Sarajevo (br. 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), Upravni odbor Javne ustanove „Služba za zapošljavanje Kantona Sarajevo“ Sarajevo na 6. redovnoj sjednici održanoj dana 16.12.2020. godine, *donio*

### ODLUKU

o donošenju Pravilnika o izmjenama Pravilnika o načinu ostvarivanja prava na novčanu naknadu i drugih prava za vrijeme privremene nezaposlenosti

#### I

Donosi se Pravilnik o izmjenama Pravilnika o načinu ostvarivanja prava na novčanu naknadu i drugih prava za vrijeme privremene nezaposlenosti.

#### II

Ova Odluka stupa na snagu danom donošenja i ista će biti objavljena na web stranici Javne ustanove „Služba za zapošljavanje Kantona Sarajevo“ Sarajevo.

PREDSJEDNIK  
UPRAVNOG ODBORA

  
Emin Olovčić

